

兵部則例



兵部則例

武選清吏司

關禁

一邊關給票。順治十一年題準。出關印票。令霸  
昌道。察驗分給。每季將人數造冊報部。○十三  
年題準。

盛京貿易民人。府州縣給發印票。出山海關之外  
藩蒙古人員。理藩院咨部。取票給發。○十五年  
題準。旗人出關。該都統咨部給票。採木人。工部  
咨部給票。○十八年題準。宗室差人。往候外藩

公主及結婚等事。由禮部題明。咨部給票。○康熙元年題準。各關口出入人等。須按名驗票。察對年貌籍貫。注冊放行。將出口人數花名造冊。按季送部察覈。○又題準。王府屬下。至民人等。有願出古北口燒炭者。由部給發印票。○又題準。給票出關。採伐材木者。限一年繳換。砍柴燒炭者。限六月繳換。逾限者。送工部察議。○又題準。願往古北口。石塘路。潮河川。牆子路。南冶口。二道關外。砍柴燒炭者。據工部咨文給票。○十一年題準。私給外國接壤邊口印票者。革職。○十

八年題準。其餘邊口。私給印票者。革職。○十八年題準。潘家口。桃林口。聽旗民採木外。其潮河川。牆子路。南冶口。二道關等處。有願往採伐材木者。將人畜數目。呈明工部。咨部給票。亦準出關。○十九年題準。願出龍井口採木者。亦照例給發關票。○三十年題準。直隸各省州縣。若有往盛京貿易者。各該府州縣官。問明於某年月日去。某年月日回。開明印文。給與本人。令其貿易。行令山海關守門滿漢各官。察驗該府州縣印文。放出。如無印文。不準出關。若有違限月日。亦不

準貿易。即行逐回。○三十三年題準。商人出董家口。鐵門關採木。亦準給票。○三十四年覆準。內地民人。不許在邊外居住。如有私出邊外居住者。察出將守口旗員。一并嚴加治罪。○四十年

諭。近來蒙古賊盜盡息。沿邊地方百姓。如有偷盜口外蒙古牲畜者。著交與兵部。行文沿邊地方各官。嚴行禁止。若百姓仍照前偷竊。發覺之時。務將地方各官。一并從重治罪。欽此。○又覆準。凡砍木燒炭之人。工部咨部給票。定以限期。採木者限一年繳換。燒

炭者限六月繳換。又每人由部給小票一張。以備口外盤察。又造人數年貌清冊。發守關將弁。逐名點驗。守關將弁仍令票頭將部給小票。并年貌冊內。均掛列字號。始行放出。限滿進口。仍令票頭將所領之人。率齊到口。該守關口官。照冊驗票相符。按名銷號。然後放入。票內之人。如有逃盜。罪坐票頭。在外病故者。準票頭稟明守口官。并存案。其詐稱病故者。事發將票頭一并從重治罪。守關官不行詳察。有濶冒放出。及遺留在外之匪類。不行察拏者。降一級調用。加級

紀錄不準抵銷。如口外莊頭。恃勢容留匪類。事發治罪。○五十一年覆準。

盛京黑龍江等處官兵。及閑散來京人等。均令由山海關行走。進口時。詳記人數姓名。回時。仍照原進口所記之名。察對放行外。其

盛京船廠黑龍江各處人等。有來京買人者。具呈該將軍衙門。該將軍給以咨部印文。準其買人出關時。仍令山海關總管等。將從京城買去之人數。詳察報部。如有拐騙別故。即拏送該部察議。若無別故。或係印文所買。或係白契所買。男

婦。每名納稅銀五兩。幼童幼女。每名納稅銀三兩。將納稅人數。確驗明白。移咨該將軍。照咨逐一詳加察詢。如有誑騙誘買別故。將人一并解送刑部。嚴審具題。再將軍等所屬地方。有買人賣人者。亦皆察詢明白。收稅準買。收過稅銀數目。年底彙報該部。交與

盛京戶部察覈。有自京城往

盛京黑龍江等處者。仍照例起票。至山海關。令總管驗票。並詢問前往何處。別給咨文。仍令各該處地方官。驗文呈報。如數目舛錯。送部察議。自

京領票。出山海關人等回時。令山海關總管。仍照出口數目。察明放入。數目舛錯者。亦令報部察議。再往船廠。黑龍江去者。由喜峰口。冷口。亦可行走。凡所買之人。不準出此二口。如有誑騙之人。設法傳帶出口。嚴責各該衙門管轄番役旗員等。不時察拏。○又覆準。古北口至山海關。除堵塞關口外。見存外九門邊口。凡買去之人。不準放行。令該部行文。嚴行禁止。山海關行走旗人甚多。侍衛。官員。前鋒。護軍。當差。驍騎人等。往

盛京。船廠。黑龍江等處。與祖父上墳探親。搬取家眷人等。或有將誘買之人買去。雜入役從內。帶至彼處轉賣者。亦未可定。嗣後八旗官兵。及閑散人等。前往

盛京。船廠。黑龍江等處。所屬地方者。係侍衛。令領侍衛內大臣。將役從人等逐一驗明。令其領取部票前往。係前鋒。護軍。令前鋒統領。護軍統領。係驍騎。校。領催。驍騎。閑散人等。令都統。副都統。均逐一驗明。令其領取部票前往。如有將此等人隱漏。多行夾帶者。各該管大臣。題參。交部治

罪。○雍正二年覆準。採辦官用木植。該撫將所屬採木商人。給以執照。開明何項應用數目若干。知照守關官。存票備案。○四年覆準。旗人商民。有進威遠堡。發庫等處邊口者。呈明該管官。給與印照。守關口官。驗照放行。如給照驗照之官。稽遲勒索者。皆降二級調用。需索財物。及賄縱無照人進口者。皆革職提問。若所屬人等。勒索財物。照衙役犯贓例議處。至無照人私行進口。守關口官不察拏者。降一級調用。加級紀錄。不準抵銷。○五年議準。出兵種地坐臺人員。如

遣人進京。呈明該將軍。並管理種地驛站官。給發印照。守關口官。驗照注冊。令其進口。按季造冊報部。如無印照。拏解刑部治罪。倘不實力稽察。聽其入口。守關口官降一級調用。加級紀錄。不準抵銷。○又覆準。奉天船廠。黑龍江山海關。及凡有邊口地方。每年將出口人數。按季造冊申報。取具並無匪類出口印甘各結。倘守口官。不驗明印票。及受賄任其朦溷出入。該管官一經察出。即行詳報。該將軍督撫提鎮。題叅交刑部嚴加治罪。若該將軍督撫提鎮。通同徇庇。不

嚴察叅處。以致匪類越境生事。發覺之日。均照  
狗庇失察例。分別議處。○乾隆七年議準。關口  
鎖鑰。責成旗員專管。若將無票私出之人。不行  
察拏。該守關口官。降一級調用。加級紀錄。不準  
抵銷。關口直班兵丁。鞭八十。無票之人。冒入別  
夥出口。或潛行偷越。及私帶人出口者。皆鞭一  
百。若放出私販人口者。守關口官革職。兵丁加  
一等治罪。受賄縱放者。守關口官革職。計贓以  
枉法論。兵丁以衙役枉法犯贓。從重治罪。皆  
遇

赦不宥。如旗人將民人詐稱旗人。託名入口者。旗人  
鞭八十。民責三十板。○又議準。奉天等處。與朝  
鮮接壤地方。如有在朝鮮境界漁採。或沿海蓋  
房居住。及無票出口。越境生事者。該地方防守  
官弁。明知故縱。不行察拏。該管城守尉等官。揭  
報該將軍題叅。將防守官弁。革職提問。倘通同  
狗庇。不行揭報題叅者。該管城守尉等官。降三  
級調用。該將軍。副都統。降二級調用。若係私行  
越渡。該地方防守官弁。失於覺察。拏獲之日。審  
明由何處出口。將該處防守官弁。降四級調用。



該管城守尉等官。降一級調用。該將軍副都統。罰俸一年。○又議準。山東民人有往奉天傭工者。該州縣詢明姓名年貌籍貫。給與印票前往。守口官察對印票。年貌相符。準其入口。回時該地方官。於原領票內鈐印。令其帶回本地。方察覈。如傭工人等。並無印票。或與票內年貌不符。及兵役人等。刁難勒索者。守口官自行察出。免議。如有疎縱等情。降二級調用。○十年議準。官商有私立小票。遠接剽採私參之人。至寧古塔貨賣。巡察官未經拏獲者。降三級調用。知情故

縱者。革職。給票官亦照此例議處。○十四年議準。察哈爾八旗牧場等處官兵。容留無票民人者。察出。照容隱例議處。係官。降二級調用。兵。鞭九十。鄰近蒙古。知而不首者。亦照此例處分。至看守官兵。出具並無無票民人。盜煎鹽塊。剽掘物件甘結。該總管鈐印轉報後。有別經發覺者。看守官。降二級調用。兵。鞭九十。轉報之總管。罰俸一年。如總管等自行察出。拏獲者。免議。○又議準。察哈爾總管。委出官兵。移駐產鹽地方。隨時巡察。其牛羊羣捕盜官兵。仍令訪緝牧場盜

賊。該總管等。各按所轄地方。每年酌量。親往稽  
察。遇有遊民。竊馬盜贖等事。將看守官兵。照窩  
隱逃人例議處。總管等失察。別經發覺者。照約  
束不嚴例。降一級調用。

一 譏察禁物。順治初年定。朝鮮國人。私帶硝黃  
等違禁之物。守關口官搜獲。即行報部。交與禮  
部察議。若縱令私帶者。革職提問。失察者。革職。  
該管上司。降五級調用。該將軍。副都統。降三級  
留任。倘已經搜獲。不即報部。私帶之人。赴部出  
首。後始行報部者。守關口官。罰俸六月。○雍正

二年議準。山海關及奉天船廠等處。巡踪官兵。  
除搜獲參鬚參末。細小歪斜珠子。以及爲數無  
多者。毋庸給賞外。如一年內。搜獲人參至二十  
斤。珠子至四兩者。該管官。紀錄一次。巡察人等  
共賞銀二十兩。搜獲人參至四十斤。珠子至八  
兩者。該管官。紀錄二次。該將軍。副都統。紀錄一  
次。巡察人等。共賞銀四十兩。搜獲人參至六十  
斤。珠子至十二兩者。該管官。紀錄三次。巡察人  
等。共賞銀六十兩。搜獲人參至八十斤。珠子至  
十六兩者。該管官。加一級。將軍。副都統。紀錄二

次。巡察人等共賞銀八十兩。再有多獲者。照數加賞。移咨戶部給發。如搜查不力。以致私帶過關進口者。該管官降三級調用。巡察人等鞭八十。明知故縱者。該管官革職。巡察人等鞭一百。初一月。賄縱者。計贓以枉法論。從重治罪。該將軍副都統。察出叅奏者。免議。徇庇不叅者。降二級調用。如失於覺察。計人參至四十斤。珠子至八兩者。將軍。副都統。罰俸六月。人參至八十斤。珠子至十六兩者。將軍。副都統。罰俸一年。若人參至百斤。珠子至二十兩以上者。將軍。副都統。

降一級留任。○七年覆準。張家口。獨石口。出入人等。令旗員驗票盤察。如有失察私帶違禁之物。責在旗員。營弁免其處分。○九年議準。沿邊關隘守關口官。遇有廢鐵。鐵貨。潛出邊境貨賣者。立即拏究。如徇縱出口者。革職。賄縱者。革職。提問。其鐵鍋農器。準其前往黑龍江等處貿易。若商民在內地轉相貨賣。關津兵弁。借端勒索財物者。計贓治罪。○乾隆七年議準。蒙古進口。守關官兵。察明人數。軍器數目。注冊。出口時。察對原冊。多帶者不許放出。其喀爾喀。厄魯特。及

各扎薩克等。如有新編佐領。初次置買軍器。或將年久破損軍器修補者。該扎薩克開明所買軍器數目。出具印結。呈送理藩院察覈。如爲數過多。或繫全副者。具奏請

旨。再令購買。如所買無多。繫尋常帶去應用者。咨部給票。該守關官驗明部票放行。若比票內多帶。或與原進口之數多帶者。報明理藩院議處。其官員民人。將軍器賣給蒙古。及守口官弁。知情故縱者。均交刑部治罪。不知情放出者。守關口官草職。該管上司。降五級調用。將軍都統副都

統降三級留任。○又議準。硝磺。牛角。鋼鐵等物。及各項軍器。不許賣與鄂羅斯。厄魯特。回子。如有私賣。偷出邊口。不行嚴拏。該管官及兵役。知情故縱者。均交刑部治罪。不知情者。守關口官。草職。該管上司。降五級調用。將軍都統副都統。降三級留任。其八旗察哈爾。歸化城。蒙古人等。若將軍器偷賣者。該管官亦照此例議處。○十二年奏準。有容留偷創人參之犯。或爲接濟米糧者。經族長鄉長等拏獲之日。將被獲人所有之物賞給外。計其所獲人數。酌量動支紅票銀

二三兩優賞。其稽察之官。即令守斥堠官。并採捕貢貂人等稽察。不必委官前往。○又議準。採捕人役。將採捕之物。隱藏私帶者。頭領及翼長。罰俸一月。

一五市。順治年間定。青海蒙古貿易。在西寧洪水二處。○康熙十一年議準。青海蒙古在鎮海堡北川二門。各委頭目貿易。每次不得過二百人。其因祈禳等事。在內地寺廟誦經者。止許百人。以內。按數令頭目管轄。百人以外。不許進邊。○又題準。蒙古擅進內地。搶掠牲畜者。專汛官

罰俸一年。兼轄官罰俸六月。有搶掠殺人者。專汛官革職。兼轄官降二級調用。總兵官降二級。提督降一級。均戴罪圖功。○十二年題準。外國人私行進口。該地方官不察報者。降一級調用。該管上司罰俸一年。○又題準。外國不論畜髮與否。均不許擅進邊口。違者。守邊官弁。均從重治罪。○二十三年題準。喀爾喀厄魯特貢使來京。從各該旗汛地經過者。守汛官。即委官二人。兵五名。按次護送。交與張家口官。回時。張家口委官一人。兵五名。護送出界。如貢使回。有在張

家口貿易者。事畢。守口官速催起身。各汛仍照前按次送出汛地。如無故淹留。將守邊口官議處。若貢使在歸化城貿易。歸化城土默特二旗亦照例委官二人。兵五名。按次遞送出汛。違者議處。○五十九年議準。澤卜尊丹巴胡圖克圖庫倫地方。鄂羅斯與喀爾喀互相貿易。民人叢聚。難以稽察。嗣後內地民人。有往喀爾喀庫倫貿易者。令該管官出具印文。開明貨物人數。報理藩院。給與執照。出何邊口。令守口官弁驗照放行。如帶軍器禁物。立即察拏。送部治罪。○雍

正二年奏準。朝鮮國人。每年攜帶貨物。到中江貿易時。有將內地禁止之物。私行貨賣者。監收稅課之鳳凰城城守尉。及將軍委出之協領等官。知情故縱者。革職提問。不知情者。革職。失察之將軍。副都統。降三級留任。○十三年議準。青海蒙古人貿易。不準在洪水鎮海堡等處。令其在丹噶爾設市。每次不得過二百人。或有喜喪煎茶誦經等事。進邊亦不得過百人。令該扎薩克。呈明辦理。青海夷情事務。大臣察覈。給與印票。守口官弁。驗票始準行走。回日繳銷。如蒙古

有擅自進邊者。該辦理夷情事務大臣。視其事。酌量辦理。報明理藩院察覈。○乾隆十四年議準。民人往察哈爾等處貿易。令多倫諾爾。獨石口。張家口等處同知。驗明人數。給以印票。并將年貌。姓名。車數。詳載於冊。以便回日覈對。如有不領票私往者。照偷渡關津例治罪。



